



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romæ, 1863

De Sanctis Martyribus Theophilo Et Helladio.

[urn:nbn:de:hbz:466:1-72708](#)

EX VARIIS.
Exemplio, ceteris prætulæ.

placere. Tu his conditus et formatus cæli beneficiiis, plus agendo populum instituis quam loquendo. Illa monita discipulorum conscientiam eruderant, quæ præbentur exemplo. Sine pudore invitat ad innocentiam, qui illam non fuerit ipse sectatus. Te inter secreta penetralium quasi testem metunt, qui peccare disponunt. Nascentibus culpis metus et reverentia tua negat effectum. Qui inter exordia occurrit viitiis, et occasionem lapsus admittit, et concepiscentie purgat auctorem. Hæc beatitudini tuae quasi strictim pro

linguae mee dedicatione dedicavi. Si precibus tuis vitæ successus arriserit, gestorum tuorum plena me relatione consecrabo, ut que universis nota sunt, mansuris in posterum litteris, quatenuis gaudeat ætas secutura, serventur. *Hæc in laudem Maximi adhuc viventis Ennodius ejus successor, cuius Dictio sacra iv eidem missa Maximo est, et ab eo dicta cum dedicaretur basilica S. Joannis Baptiste, quem novo exemplo Apostolum nominat, ut hic Lucam Prophetam.*

DE S. PATHEO MARTYRE.

VIII JANUARII. *Martyrologium S. Hieronymi*: Et alio loco Pathei. *Martyrem remur cum nulla secus sentiendi causa, ut plerunque in eodem Martyrologio.*

ACTA S. CARTERII, PRESB. ET MART.

Ex Menæis Graecorum.

b
SUB
DIOCLETIANO.
VIII JANUARII.
S. Carterius
Presbyter, po-
pulum docet:

quæsitus latet:
dein offert se
quæxribus.

c
Serapidis ido-
lum deficit:

dire torque-
tur:
sanatur ab
Angelo:
rursum cru-
ciatur:

VIII JANUARII,

Horum SS.
patria, et tor-
menta.

Diocletiano imperante, et Urbano b Cæsarea Capadociae Praeside, Carterius Presbyter et Doctor Christianorum, domum in templum vertit, et coacta ingenti Christianorum multitudo instituit illos in vera fide, qua discerent Christum solum verum Deum colere; et præter illum, nullum alium Deum agnoscere. Delatus ad Præsidem se ipsum in latebras abdidit. Sed illi Dominus apparuit, mandavitque ut se in apertum daret, seque ultro ipsum quærentibus offerret: Ego, inquit, tecum ero. Multa enim tibi meo nomine patientia sunt, multique per te conversi salutem consequentur. Hic Carterius ingenti perfusus gaudio, Deo gratiis actis, se ipsum in lucem dedit.

2 Ac primum quidem ergastulo conclusus, dein ad Præsidem deductus, jussus est c Serapidi litare: sed Carterius precibus idolum deject. Tum a sedecim lictoribus fustibus atrocity contunditur, quatuor alii carnificibus illi imminentibus. Deinde a furca suspenso novacula unguis a manibus et pedibus exciduntur, ferreisque unguis totum corpus raditur et carpitur. Qui conspectu dein Angeli recreatus omnibus tormentis superior, atque illico sanus extitit.

3 Dein rursus Præsidis jussu detentus, talis ferro

trajectis, supinus ignitum pectore vomerem gestavit. Præterea coactus est in succensa ferrea sartagine residere: tum ei ardentes subulis perforati pedes: atque ita rursus in carcere retrusus est. Sub noctem iterum se ei videndum Salvator obtulit, compedibus solutum omni levavit molestia, atque e custodia eductum liberum dimisit. Quare complures cum sanum spectassent, eum adeuntes ab illo sacro fonte abluti sunt, et ab omnibus, quibus laborabant morbis, curati.

*exit ecarcere;
iterum tortus
occiditur.*

4 Appensa deinde pedibus manibusque saxa ingentia, quibus ita innexo distentoque fustibus venter converberatur: aduruntur accensis facibus latera: resinaque plagiis infunditur: liquatum in os plumbeum instillatur, ignitaque galea capiti imponitur. Ac demum in rogum conjectus, dum laudes gratiarum Deo concinit, in igne illæsus permanxit. Hinc e circumstantibus Judæus quispiam in rabiem actus, hastam vibrans per latus Martyris transadigit, mortemque infert, cum prius aquam e latere tam copiosam profudisset, ut etiam rogum extingueret; quam secutus sanguis est, cum quo et animam in Dei manus edidit.

a Ignotus hic Latinorum fastis. Nam diversus est a Carterio qui 2 Novembr. cultur sub Licinio Sebaste passus.

b Hæc Cappadocia metropolis est, circa Melz fluminis fontes, magnam adepta a plurimis Sanctis, quos tulit, ac præsentim Basilio magno, celebratatem.

c Unus hic e Diis Egyptiorum fuit.

DE SANCTIS MARTYRIBUS

THEOPHILO ET HELLADIO.

D e his viii Januarii Martyrologium Romanum: In Libya Sanctorum Martyrum Theophili Diaconi et Helladii, qui primo lanati ac testulis percutis compuncti, demum in ignem conjecti animas Deo reddiderunt. *Eadem fere habet Menologium Graecorum, addens sub Proconsuli hac passos. Paullo fusius Menœu: Eodem die sancti Martyres Theophilus diaconus, et Eladius laicus passi sunt. Hi Libyes erant. Ob Christi vero confessionem comprehensi, et ad Proconsulem deducti, cum in fide perseverarent, atrocity verberati sunt. Vinctæ deinde manus ac pedes tergumque ferro atque igne adustum: tum acutis compuncti*

testis; cum identidem tormenta plura ingererentur, animas Deo tradiderunt. *Galesinius*: In Graecia beatorum Martyrum Theophili diaconi, et Helladii. Hi, in Libya nati, Christianæ fidei cultores, idolorum cultum cum passim exagitarent, Proconsulis jussu virgis acerbe cæsi, tum unguis ferreis excarnificati, post in lumbis semiustulati, deinde testularum aculeis confosci, nihil unquam de constantia sua remiserunt. Itaque demum horribilem in modum raptati, contractis totius corporis ossibus, animas Deo reddiderunt.